

Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

МАРТОНЬ
1 чн,
1937 но
№ 25 (699)
ИСС: 7-40 10
ЧПНЬ 0730

Лазарева, Коркина Волгаева ды Иванова трактористкатне премировазъ

Авань тракторной бригадань трактористкатнень ды бригадиртнень Весесоюзной совещаниясонть, кочань февралень 11-це чистэ тердтнize ВЛКСМ-нь ЦК-сь ды СССР-нь Наркомземь, Мокшэрзянь республиканть пельде ульнестъ Лазарева ялгась (Ичалкань МТС-нь бригадир, Коркина, Волгаева, Иванова ялгатне (теке жо МТС-нь трактористкат).

Пелькстамонть коряс весесоюзной комитетэсь премировинзе Лазарева ялганть—1000 целковойсэ, Коркина, Волгаева ды Иванова ялгатнень—500 целковойсэ эрванть.

МАРТОНЬ 3-це ЧИСТЭ ПАНЖОВИ ВЛКСМ-нь КУЙБЫШЕВСКОЙ КРАЙКОМОНТЬ ПЛЕНУМОЗО Чинь порядкась:

Пропагандистской роботадонть ВЛКСМ-нь ЦК-нь 2-це пленумонть решеннянзо топавтомадо.

Докладт теить: ВЛКСМ-нь Мокшэрзянь обкомось (докладчикесь Иванов ялгась), ВЛКСМ-нь Куйбышев-ошонь комитетэсь (докладчикесь Левочкин ялгась), ВЛКСМ-нь Кийель-Черкасской райкомось (докладчикесь Емильянов), ВЛКСМ-нь Неверкинской райкомось (докладчикесь Педалев).

ВЛКСМ-нь Куйбышевской крайномонь секретаресь БЛЮМКИН.

Колхозниктнэнь художественной самодетельностест

Дубенкань районсо самодетельностень искусстватнень художественной олимпиаданть ютавтомо февралень 16-це чистэ якасть СССР-нь наукатнень Академиянь бригадась, искусстватнень теветь коряс управленисто представитель ды Мордовиянь писателень правлениясто представитель.

Февралень 18-це чистэ ульнестъ ютавтозь художественной самодетельностень олимпиадась. Олимпиадасонть пек мазыйстэ морынзе Сталиндэ частушканзо Надя Никитина.

Интересной программа марто теинестъ выступлениат Поводимова велень колхозниктнэнь хорось. Мазыйстэ морасть ды кишть Ломата велень колхозникатне—татаркатне ды лият.

Олимпиаданть ютавтоманзо коряс пек лездасть СССР-нь наукатнень Академиянь представительтне—Учатов ды Греховодов ялгатне. Синь сермадсть фольклорной зярря морот, конат улить печатазь СССР-нь наукатнень Академиясо нолдазь трехтомниксэнь.

Я. Григошин.
Маркелов.



Весемасторлангонь авань коммунистической чинтень изогизесь нолды Вуев ды Иорданской художниктнэнь роботадоет од плакат.
СНИМКАСОНТЬ: Изогизень од плакатось—„Шумбра улезэ мартонь 8-це чмсь—Весемасторлангонь авань коммунистической чмсь“.
(Союзфото).

СССР-нь трудицятне ледстнить вечкевикс Сергонь памятензэ

Образцовой роботанть кис большевистской бороцямосо, стахановской од рекордсо советской мастороны трудицятне ледстнить пролетарской ине революционерэнь Серго Орджоникидзея памятензэ.

Московсо, „Серп и молот“ металлургической заводсонть новомартеновской цехень сталевартнэ теистъ покш успех агрегатнэнь од мощностест освоениясонть. Чикров ялгась февралень 24-це чистэ сайсь 8,62 тоннат сталь, Королев ялгась—9,65 тоннат сталь квадратной метростонть.

Московской велозаводонь коллективесь лек покшсто кастызе велосипеднэ нолдамонть. Февралень 19-це чинть эйстэ саезь сон эрва чистэнь кармасть нолдамо малав 1000 машинат. Зняро велосипедт неээнзэ заводось те шкас эщо вестькак эзь нолдтне.

Магнитогорской металлургической заводсонть ускень цехень робочейтнэнь коллективесь февралень 23-це чистэ теистъ сутказонзо 732 тоннат уське 500 тоннань таркас планонь коряс.

Сталин лемсэ авиомоторной 19-й заводонь инженертнэ ды техниктнэ Орджоникидзе ялганть памятензэ ледстнемга решастъ теимс те нестэнь моторонь од конвеер ды аравтомс сонзэ конвеерс.

Знатной колхозница

Дубенкань район Кенде велень Литвинов лемсэ колхозсонть васенце стахановкась—Гусскина Вера. Сон роботы чинь апаке менстя, трудочиназэ кавто сядодо ламо.

Колхозось ламоксть премировакшнызе сонзэ парсте роботамонть кис. М. Дейцов.

ОРДЕН



Куйсть Сопканть пряс ды маднестъ текшкенгень. Шабулев вадрысто неIZE тона енксонть. Японектнэ эсист окоптнэнь ускестъ пулемет ды миномет ды кедьсест ручной пулемет марто шаштэ икелев.

Ютась малав час, ды Японектнэнь покш группанть эйстэ явовстниленгеменьшка ломань. Синь, паряк, арсестъ, што сынст ламо чмсь тандавтынзе якстереармеецтнэнь. Сеедьстэ кармасть леднеме пулеметнэ ды минометнэ. Сопканть удало неивсь японской

конница, кона аюколь бороцямо. Врагонть пулясо токавозь прастъ отделения командирэсь Сленов ды боецэсь Долгополов. Кежесь лаказевсь Митянь седейсэ. Сон ансяк кеперкшнесь винтовканть зарядомо ды сонзэ эрва пулясь чуромтсь японектнэнь рядост.

Теевсь рукопашной бороцямо... Эрва якстереармеецэнтень савсь туремс зярря японект марто. Синст эйстэ качадсь спирт чине. Но аразди советской боецтнэ тандамть самурайтнэнь предьстэ банданть эйстэ! Нарушительтне ульнестъ панезь Павловской Сопкастонть.

1937-йень февралень 17-це чистэ Кремлевской дворецэнтъ ССР-нь Союзонь Центральной Исполнительной Комитетэнь заседаниясо Михаил Иванович Калинин скромной героентень Шабулев Митяненъ понгавтсь СССР-нь боевой Якстере знамянь орден, конань №-зэ 544. Те ульнестъ остатка боевой орден, конань максызе ЦИК-нь председателесь а иня-виця Рабоче-Крестьянской Якстере Армиянь славной годовщинадонзо икелем.

Ичалкань районной олимпиадасто

Ичалкань районной клубсо кав-то чить мольсь олимпиадась, кав-то чить колхозниктнэ покш мель марто кулсонсть творческой кружоктнэнь ды морыцятнэнь—одиночкактнэнь мастерствасть.

Васеньце чинть Ичалкань колхозниктнэнь хорось сокоронть Лапинэнь руководстванзо коряс морась жаря народной морот. Хоронть репертуарозо ульнесь аволь покш, но морыцятнэ, эсист теветнэ седейшкава вечкезь, эрва моронть морызь истя, што седе мейле кувать цяпасть тест кулсоницятнэ.

Пек покш явлениякс эрви лавомс Ичалкань оперной ансамблянь выступлениязо, конась налксесь „Русалка“ операстонть саенкс.

Эрзянь костюмсо оршазь Лабаски велестэ хорось морась эрзянь морот, косо ветись руководства 60 несэ атысь Куроедов ялгась.

Лабаски велень колхозницась Юрченкова гармошкань коряс морась эрзянь кельсэ сермадозь частушкат.

Хоровой ды музыкальной кружоктнэде башка примасть участия драматической кружоктнэ.

Олимпиадасонть васень тарканть жюриить постановлениязо коряс, саизе Лабаске велень колхозниктнэнь хорось, кона казезь 100 целковой ярмаксо ды кучозь республиканской олимпиадав. Юрченкова колхозницась кучозь муздрам училищав тонавтнэме.

Я. Григошин.

Лиякстоми работась

Овси лиякс кармасть роботамо Хлыстовка велень Сталин лемсэ ды Крупская лемсэ пионеротрядтнэ седе мейле, жардо неть отрядтнэсэ вожатойтнэнь Марискиниань ды Дурновань кулсонизь отчетост комсомолонь промкссо. Сынь сестэ макссть вал, што маласо шкасто жо лиякстомтсызь роботанть истя, кода веши сынст пельде ВЛКСМ-нь ЦК-нь омбоце пленумось.

Ней отрядтизэс содержательнойстэ ды веселасто ютвить спортнэ. Сталин лемсэ отрядсонть вейке сборсо чаркодевикстэ ульнесь толковазь СССР-нь Конституциядонть Сталин ялганть докладозо. Лиякс кармасть роботамо звенатне, косо истяжо спортнэнь ютавтнить мазыстэ, интереснойстэ ды веселасто.

Н. Калеев.

БУРЯТ-МОНГОЛИЯНЬ ОТВАЖНОЙ ЛЫЖНИЦАТНЕ ЧАСТЬ АРЗАМАСОВ

Февралень 27-це чистэ Арзамасов часть Бурят-Монголиянь отважной тейтерьтне—сокссо киякстницятнэ, конатне тенть переход Улан-Удэ—Москов маршрутонт коряс.

Тейтерьтне ютасть уш 5600 километрат. Московов сын арсиль само мартонь 6-це чистэ—аватозь сроковт коряс жаря чиде седе икеле.



СНИМКАСОНТЬ: Ф. Сычковонь картиназо „ОЯТ“

Фотось ИВАНОВОНЬ.

РАДИОКРУЖОКСО

Саранскоень средней железнодорожной школасо вадрасто роботы радиокружоксо. Кружоксонть роботыть весемезь 17 тонавтицят-пионерт. Сехте вадрасто роботыть Перетягин, Тарасов, Маланин, Грачов комсомолетнэ ды Аржикаев, Селиванов, Баунов пионертнэ ды ламо лият.

Кружоконь организаторось Жеия Яковлев эрва классонть ветись радио ды эрва чистэ, куш микрофонгак арась, юной радистнэ тейсть истямо репродуктор, конань вельде перемена шкасто тейнить выступлениат.

Тедэ башка радиоконмнатасонть

ули аласкоп. Жеия седейстэ невтнэ октябритнэнь эйкакшонь писательтнэнь—Маршаконь, Чуковский произведенийст картинкат. А умок невтнэнь Чуковский „Муха цокотуха“, „Мой дядя“ ды лият.

Те лангс пионертнэ а лоткить. Сын арсиль тееме телевидения, штобу аволь ансяк кунсолонс, но неемс, кие корты.—Бути куроксто муян цинковой жезь,—корты Жеия,—то а седе позда кемень чиде мейле тонавтицятнэ телевизоронь пачк кармить нееме сень, мезе сынст интересует.

А. Дмитриев.

Проектанть ловнызь ды... паро

Минек масторсонть ней тевсэ ютавови ине законось—Сталинской Конституциясь. Од ломантне, комсомолетнэ, весе трудицятне покш мельсэ тонавтиць Сталин ялганть докладонзо, конань сон теизе Советтнэнь Весесоюзной VIII-це С'ездэнтэ, тонавтиць од Конституциянт эрва статьяно.

Ансяк Мокшэрзянь педагогической училищасонть тень коряс местькак а тейнить. Виде, комсомолонь промкссо ловнызь од Конституциядонть Сталин ялганть докладонзо. Сестэ комсомолетнэ макссть предложениат ды промксонть путовксозонзояк сермадозель: весе курстнэс парсте тонавтнемс Сталин ялганть докладонзо

ды од Конституциянт. Тедэ мейле ютась уш жаря шка, теезь жо арась мезеяк. Весе курстнэс кемекстазельт комсомолет-пропагандистт. Сын эсть снартнеяк теемс сынст максозь те покш теветнэ. Комсомолонь комитетэс жо оймась сень лангс, што улит явозь пропагандистт, эзь мелявто эсь путовксонзо топавтоманть кнс.

Секс педтехникумонь студентнэ, комсомолетнэ а содасызь Сталин ялганть докладонзо, а содасызь од Конституциянт, ловнокшнызь ансяк Конституциянь проектанть (сестяк келей толковавомтомо) ды тень эйсэ прыдовсь весе.

Студент.

Эрва комсомолецэс максы нормат Ворошиловской стрелоконь значокс

Пакся Тавла велень комсомолетнэ промкссо сайнест эсист лангс обязательстват, штобу эрва комсомолетанть улелельт колмо значоконзо: Ворошиловской стрелоконь, ПВХО-нь ды ГСО-нь. Комсомолетнэ эсист обязательстват

топавтызь. Весе 37 комсомолетнэ максызь неть значоктнэнь лангс норматнэнь ды ветить работа тень коряс аволь союзной од ломантнэнь ютксо.

Ф. Платонов.

Испаниясо положениясь

Испаниянь лия масторонь тевтнэнь коряс министронт Альварес Дель Вайонь яволятоманзо коряс Испаниянь фронтнэсэ положениась меельсэ кавто медлятнэнь перть пек седе вадрылгась.

Харама леенть районсо мятеж-никтнэнь наступлениаст, косо примасть участия Германиянь ды Италиянь 60 тыщат солдатт, икеле ладсо ульнест тапазь. „Те наступленианть,—мерсь Альварес Дель Вайо,—конасонть сын арсест Мадридэнт саеме, аноктакшнызе германской штабось Бургоссо“.

Покш успехт тейсть республиканецтэ астурийской фронтсонть-как. Алак вант мятежниктнэнь виевстэ каршо молемаст лангс республиканецтэ ульця-ульця мельга саить Овиедо ошонть.

Войнанть седе тов молемадонзо кортазь Альварес Дель Вайо мерсь, што те целанек ашти се лезксэнт эйстэ, конань мятежниктнэнь максыть Германиясь ды Италиясь.

Войнась,—мерсь сон—малав уш ульнест прыдозь декабриянь меельсэ читнестэ, жардо Мадридэнт ало противниксэ ульнест тапазь ды ансяк Германиясто ды Италиясто жаря тыщат солдатнэнь саомст марто мятежниктнэ таго кепедизь праст.

(ТАСС).

Испанияв доброволецэнь кучомо а меремадо соглашениянт тевсэ ютавтомазо

Соглашениянт коряс, кона тевсэ неть государстватнэнь ютксо, конатне примить участия Испаниянь тевтнэнь невмешательстванть коряс соглашенийсонть, февралень 21-це чистэ саезь неть государстватне тейсть а мерема сень коряс, штобу Испаниясо военной действиятнэсэ участиянт туртов а кучнемс доброволецт. Теке марто вейсэ СССР-нь Союзонь Народной Комиссариатнэ Советэс примась постановления, косо мерев, што февралень 20-це чистэ саезь советской граждантизэнь а меремс военной действиятнэсэ участиянт туртов Испанияв молемадо, истя жо а меремс СССР-нь Союзонь территория лангсо Испанияв доброволецэнь вербовамодо, а нолдамс СССР-нтэ трокс доброволец марто транзит, а меремс Советской Союзонь суднатнэсэ доброволецэнь усксемадо ды лият.

ССР-нь Союзонь Народной Комиссариатнэ Советэс кармавты Лия Масторонь Тевтнэнь Народной Комиссариатонть, Внутренней Тевтнэнь Народной Комиссариатонть ды теньсэ заинтересованной лия ведомстватнэнь нолдамс эрвикс инструкциат ды примамс мерат неветэзь постановлениянт эрямо-чис парсте ютавтоманть коряс.

(ТАСС).

Отв. редакторось М. ЛЮПАЕВ